

資治通鑑考異

十三



資治通鑑考異卷第二十七

讀擊霸贊讀學襲襲擊霸靈種國河都國卷邑三香晨實擊營馬秦

勅編集

唐紀十九

光化元年正月韓建為修宮闕使

實錄建以行官卑痺無眺覽之所表

獻城南別墅建初脩南莊起樓觀疏池沼欲為南內行廢立之事其叔父豐見其跋扈謂建曰汝陳許門一民乘時危亂位至方鎮不能感君父之惠而欲以同華兩州百里之地行廢立覆族在旦莫矣吾不如先自裁免為汝所累由是建稍弭其志及李茂貞表請助營宮苑又聞朱全忠繕治洛陽累表迎駕建懼故急營葺長安率諸道助役而又親程功焉按建若欲廢立何必先營南內今不取

九月羅弘信薨

薛居正五代史梁紀弘信傳太祖紀還京弘信猶加官舊紀傳九月卒今從之實錄十月約奏到也

十月王珙殺王祝

祝為給事中并遇害舊紀實錄皆無年月今因珙伐河中事附此

十一月崔洪以弟賢為質

十國紀年洪託以將士不受節制遣兄賢質於汴按

舊紀十月汴將張存敬以兵襲蔡州刺史崔洪納款請以弟賢質于汴許之實錄亦云弟賢今從之

二年三月朱全忠遣丁會下澤州

實錄丁已葛從周復取澤州按編遺

錄丁巳河橋丁會收復澤州實錄云從周誤也唐太祖紀年錄三月周德威敗氏叔琮於洞渦驛先是逆溫令丁會將兵助李罕之戍潞州至是葛從周復入潞州以代丁會賊復陷我澤州梁實錄薛史梁紀皆云六月方遣從周入潞州紀年錄於此連言後事耳

六月葛從周代丁會守潞州

編遺錄六月乙丑李罕

上令抽太軍迴以丁會權制置綏懷上黨上乃東歸不言遣從周入潞薛居正五代史梁紀六月帝表丁會為潞州節度使以李罕之疾亟故也又遣葛從周由固鎮路入于潞州以援丁會梁實錄後唐紀皆云代會自此至潞州破賀德倫走不復見會名或者李罕之既卒復召會守河陽以從周代之不可知也今



因會鎮潞
終言之

三年七月李嗣昭敗汴軍於內丘唐太祖紀年錄七月

內丘遇汴軍三千戰敗之擒其將李瓌薛居正五代史後唐紀與紀年錄同惟唐末見聞錄八月二十三日嗣昭領馬步五萬取馬嶺進軍下山東某月山東告捷收得洺州九月二日嗣昭兵士失利却回新紀

八月庚辰陷洺州薛史唐紀九月二日嗣昭棄城歸蓋據此也按編遺錄洺州薛史唐紀九月二日嗣昭棄城歸蓋據

饗士忽有大風驟起占者曰賊風果於是時李進通領蕃寇出攻洺州然則嗣昭出兵乃七月二十五日也

也編遺錄又曰八月乙丑出兵救洺州乙丑九日也又進通敗奔歸太原在八月見聞錄誤今從編遺錄

紀年錄

梁紀

八月嗣昭敗汴軍于沙門河編遺錄七月二十一日

來攻洺州八月乙丑發大軍救應之上尋亦自領衙軍相繼北征翌日達滑臺軍前馳報洺州已陷刺史

朱紹宗因踰堞墮而傷足為賊所擒唐太祖紀年錄八月李嗣昭又遇汴軍沙門河擊而敗之進攻洺

州刺史朱紹宗挈其族夜遁我師追及擒之唐末見聞錄八月二十五日嗣昭進軍下山東某日山東告捷收得洺州捉得刺史朱温姪男舊紀八月庚辰嗣昭攻洺州下之薛史梁紀八月河東遣李進通襲陷

洺州新紀亦在庚辰乃二十五日也實錄在九月約奏到今從編遺錄

九月葛從周大破李嗣昭唐太祖紀年錄葛從周攻

也王郃郎楊師悅陷賊洺州復為汴有唐末見聞錄九月二日嗣昭兵士失利却回被汴州捉到王郃郎

編遺錄薛居正五代史梁紀八月帝遣葛從周屯黃龍鎮親領中軍涉洺而寨晉人懼而宵遁洺州復平

唐紀九月汴師自將兵三萬圍洺州嗣昭棄城而歸葛從周伏青山口嗣昭軍不利實錄九月嗣昭棄洺

州敗於青山口今從唐末見聞錄唐末實錄

十月馬殷克桂州唐烈祖實錄新唐書本紀路振九

桂州馬氏行年紀及王舉大定錄云天復元年惟曹

衍湖湘馬氏故事云天復甲子宣歲自安州入桂州

天祐四年丁卯十二月收嶺北七州明年十月平桂州差繆極甚新唐書方鎮表光化三年升桂管經略

使爲靜江軍節度而本紀乾寧二年安州防禦使宣
晟陷桂州靜江軍節度使周元靜部將劉士政死之
歲月既已倒錯又以士政爲元靜部將同死尤爲乖
誤今據武安節度掌書記林崇禧撰武威王廟碑云
我王臨位五年而桂林歸款自乾寧三年
至光化三年五年矣又與實錄合故從之

十一月庚寅劉季述等廢立按此月乙酉朔己丑五

日舊紀云庚寅舊宦者傳唐年補紀皆云六日無云
五日者而實錄新紀云己丑誤也唐太祖紀年錄先
云六日後云七日尤誤也崔胤所特者昭宗耳季述
議廢立安肯即從之補錄紀年錄云脅之以兵是也
唐補紀云皇后穴牆取太子又云令旨宣告大臣與
社稷爲主又云后白軍容令聖上養疾皆程匡柔爲
宦者諱耳不可信也

解崔胤度支等使舊傳劉季述畏朱全忠之強不敢

官而已胤復致書於全忠請出師返正故全忠令張
存敬急攻晉絳河中按舊紀新紀新宰相表此際皆
無胤罷相事全忠攻晉絳河中乃在明年返正後不今取

十二月李振勸朱全忠討季述薛居正五代史李振

八奏於長安邸吏程巖白振曰劉中尉命其姪希貞
來計大事既至巖乃先啓曰主人巖急內官憂恐在
中尉欲行廢黜敢以事告振顧希貞曰百歲奴事三
歲主亂國不義廢君不祥非敢聞也况梁王以百萬
之師匡輔天子幸孰計之希貞大沮而去振復命劉
季述果作亂程巖率諸道邸吏牽帝下殿以立幼主
振至陝陝已賀矣護軍韓彞範言其事振曰懿皇初
昇遐韓中尉殺長立幼以利其權遂亂天下今將軍
復欲爾邪彞範即文約孫也由是不敢言編遺錄上
雖聞其事未知擴實但懷憤激丁未上離定州軍前
十二月戊辰達大梁欲潛謀返正乃遣李振偵視其
事振迴益詳其宜也尋馳蔣玄暉與崔胤密圖大義
薛史梁紀季述幽昭宗立德王裕爲帝仍遣其養子
希度來言願以唐之神器輸於帝時帝方在河朔聞
之遽還于汴大計未決會李振自長安使回因言於
帝云帝悟因請振復使于長安與時宰潛謀返正
按季述廢立之前李振若已嘗立異今豈敢復入長
安與崔胤謀返正乎今從編遺錄又按唐太祖紀年
錄及舊張濬傳皆云濬勸全忠附中官與紀年錄及
振傳皆云濬勸全忠附中官與紀年錄及舊傳相違

恐梁實錄誤振傳據實錄也唐補紀曰自監國居位將及五旬牋表不來朝野驚虞亢旱時多虹蜺背瑤崔胤觀其不祥便謀內變潛行書檄於闕外播揚辭舌於街衢朱全忠封崔胤檄書并手扎等與季述云彼已翻覆早宜別圖無何季述以此書示于崔胤曰胤觀云無此事遭人反圖刻蠟偽名自古乃有軍容若行怪怒則乞俯存家族季述乃與言誓相保始終封示左軍劉公其人已知意旨令曰與胤設盟不相損害然遠託令公為主方應保全兼送女僕二人細馬兩匹全忠覽書大詬曰劉季述我與伊同王事十二三年兄弟之故特令報渠不能自謀却示崔相道我兩頭三面實是難容我若不殺此公不姓朱也乃擲於地其使者走一健步直申崔公從茲與大梁同敵今昭宗既廢胤所以得未死者以與全忠親密故也全忠安肯以其書示季述季述恨胤深入骨髓若得此書立當殺胤豈肯復以示胤而與之盟誓也此殊不近人情皆程匡柔黨宦官疾胤之辭耳

天復元年正月全忠封東平王舊紀二月以全忠守中書令進封梁王薛

居正五代史梁紀正月癸巳進封帝為梁王酬返正之功也實錄癸巳沛郡王朱全忠加定謀宣力功臣

進封東平王新紀二月辛未封全忠為梁王按編遺錄此年二月辛未表讓梁王三年二月制云兎苑名

邦睢陽奧壤光膺簡冊大啓封疆可守太尉中書令

進封梁王或者今年已曾封梁王全忠讓不受改封

東平王至三年乃進封梁王而三年制

辭前官爵已稱梁王蓋誤也今從實錄

崔胤留岐兵三千宿衛唐補紀曰其月八日李茂貞

而回崔胤申朱全忠請三千人在南坊宅側安下鳳翔劫駕西去朱全忠又閤以車子載器仗稱是綢繆

進奉推車子人皆是官健入崔胤宅中人心驚惶不

同前後崔胤累差人喚召朱全忠不到新傳韓全誨

等知崔胤必除已乃已因諷茂貞留選士四千宿衛

以李繼徽揔之胤亦諷朱全忠內兵二千居南司以

婁敬思領之蓋取唐補紀耳按韓偓金鑿密記偓對

昭宗云當留兵之時臣五六度與崔胤力爭胤曰某

實不留兵是兵不肯去臣曰其初何用召來又胤云

且喜岐兵只留三千人據此則是胤召茂貞入朝仍

留其兵也又舊紀梁實錄編遺錄薛居正五代史補

紀所言岐汴各遣兵數千人戍京師則昭宗欲西幸時兩道兵必先鬪於闕下不則汴兵皆為宦官所誅不則先追去今皆無此事蓋程匡柔得於傳聞又黨於宦官深疾崔胤未足信也然胤所以欲留茂貞兵為已援者蓋以茂貞自以誅劉季述為已功必能與已同心讎疾宦官以利誘之遂復與宦官為一耳今

從金鑿記

二月李克用修好於朱全忠

唐末見聞錄乾寧四年六月差軍將發往汴州

為使其書云云汴州回書云云據全忠書有前年汴水曾獲賢郎去歲青山又擒列將又云鎮定歸款浦晉求和則非乾寧四年明矣唐年補錄天復元年五月壬午制以朱全忠兼領河中乃詔與太原通和初朝廷以全忠吞併河朔又收下蒲津必恐兵起相侵乃下詔太原夷門使務和好時太原意亦以全忠漸強先以書聘全忠書辭與見聞錄同全忠答太原書又進表云臣與太原曾於頃歲首締歡盟及其偶撥猜嫌止為各爭言氣又云但以來書意指未息披攘又云臣詳茲來意益切憤懷不敢遂與通和必恐有孤朝寄已遣諸軍進討訖續寶運錄載全忠表云臣當道先自河府抽軍便赴太原進討已累具狀公析

大小會二十字

通鑑考異二十七

五

聞奏訖臣今月二十三日部領牙隊到東都李克用差到專使張持與臣書一封并馳馬弓箭銀器匹段等與臣通和其張持臣且與迴書放歸訖當月河府抽回兵土即勒權於河陽屯駐見排比收復路州便遷迤赴太原進討次其李克用與臣書一封謹隨狀封進天復四年二月奏其年三月二日表到駕前奉襄宗二月八日勅云云天復四年尤誤也編遺錄天復元年二月李克用遣軍將張持執檄厚幣而來釋憾亦差軍將持函以為報又曰辛巳上欲北回軍便征北虜近者李克用以為報又曰辛巳上欲北回軍事奏聞語與補錄同唐太祖紀年錄天復元年六月太祖以梁寇方彊難以兵伏陽降心以緩其謀乃遣押牙張持持幣馬書檄以諭之請復舊好書詞大陳北邊五部士馬之盛皆吾外援朱溫視之不憚令敬翔修報詞旨踈拙人嗤之薛居正五代史梁紀天復元年二月李克用遣牙將張持來聘帝亦遣使報命李襲吉傳天復中武皇議欲修好於梁命襲吉為書以貽梁祖書辭與見聞錄同其年月日各參差不同據全忠答太原書云今月二十二日使至上表云先自河府抽軍赴太原書云二十二日到東都則克用書達全忠必在天復元年二月下旬今從編遺錄梁紀

五月氏叔琮等自石會關歸編遺錄四月壬戌上以李克用遣張特齋書請

尋權盟乃指揮諸軍所在且駐留見差發專人入太原許通權好兼并州地寒節候甚晚戎馬既多野草

不足於芻牧尋令氏叔宗廻戍後唐太祖五月氏叔琮及四面賊軍皆退薛史梁紀班師在四月後唐紀

汴軍退在五月蓋全忠以四月命班師而叔琮等以五月離晉陽故國史記之各異也

六月癸亥朱全忠如河中薛居正五代史梁紀庚申帝發自大梁今從編遺錄

閏月丁會為昭義節度使薛居正五代史會傳自河陽以疾致政於洛陽梁祖

季年猜忌故將功大者多遭族滅會陰有避禍之志稱疾者累年天復元年梁祖奄有河中晉絳乃起會

為昭義使九月李克用取路州表孟遷為節度使時罕節度使九月李克用取路州表孟遷為節度使時罕

之已卒必是會却領河陽至此纔二年則非致政稱疾累年也又是時全忠未嘗誅戮大將疑會降河東

後作傳者誤以天祐中事在前言之耳崔胤召朱全忠唐太祖紀年錄會汴入寇同華宦者

全誨教禁兵伺胤出聚而呼譟訢以冬衣減損軍人又上前披訢天子徇衆情罷崔胤知政事崔胤為急

召朱溫請以兵師入輔唐補紀時朱全忠在河中胤潛作急詔令全忠入朝又修書云云全忠得此書認

便發河中還汴按是時全忠未寇同華胤亦未罷紀年錄誤今從唐補紀

十月全忠舉兵發大梁薛居正五代史十月戊戌奉密詔赴長安是時朝廷軍國

大政專委崔胤崔胤每事裁抑宦官宦官側目崔胤一日於便殿奏欲盡去之全誨等屬垣聞之中官視崔胤皆

裂以重賂甘言誘藩臣以為城社時因譏聚則相向流涕時崔胤掌三司貨泉全誨等教禁兵於昭宗前

訴之昭宗不得已罷崔胤知政事崔胤急召太祖請以兵入輔故有是行按帝幸鳳翔前崔胤未罷相此與太

祖紀年錄略同亦誤

丁酉宮禁諸門增兵防守按金鑾記二十日入直隔夜崔公傳語明日請相者

侵早到門崔胤出御札相示然則添人把門及降御札皆十九日事實錄已亥差人把門已亥乃二十一日實錄也

十一月壬子韓全誨等劫上幸鳳翔

續寶運錄其年十月朱全忠發

士馬十一月入長安聖上幸鳳翔宰臣裴諗翰林學士令狐渙等扈從其皇后王氏及百官太子玉印龍服並是汴州迎在華州相次修東都宮室旋迎赴東都其年十一月初鳳翔士馬入京劫掠街西諸坊寶貨士女至甚及七日汴州士馬入京赴救長安士庶並走攢在開化坊其說妄謬今不取

乙卯全忠取華州

編遺錄上引兵逼華州韓建輕騎出牆歸投上於西溪亭子與建飲

膳畢却歸赤水營旬日乃請建充忠武節度使梁太祖實錄乙卯大軍及華州建來降甲辰署建權知華州事仍以宣武牙推龔麟佐之唐太祖紀年錄丙辰汴軍攻華州九日建以城降唐補紀同州刺史王行約閉城登壘全忠斫開城門屠之不置唯類華州韓建聞此出城三十里迎之只於迎處云令公本貫許河中送款敬翔乃差人押出關東舊傳建令李巨川至史梁祖紀丙辰帝表建權知忠武軍事促令赴任實錄乙卯全忠取華州丙辰次武功徒建為忠武節度使按此月無甲辰蓋丙辰字誤也全忠乙卯取華州丙辰豈能遠至武功補紀又云昭宗不知崔胤偽

大小七百六十一

道鑑二十七

七

夏尚賓

行詔命聞朱全忠平陷兩州十一月三日亥時奔波西去按行約乃克用取同州時節度使也程匡柔妄謬多此類今取華州日從梁太祖實錄李巨川死從昭宗實錄

崔胤請全忠迎駕

編遺錄于時長安無人主朝廷無

來喪亂未若今日胤請王溥自西京至赤水請上進軍迎駕戊午離赤水薛居正五代史梁紀已未發赤水按唐太祖紀年錄朱溫至長樂崔胤帥百官班迎胤東寓華州又云胤召溥至赤水皆誤也舊紀亦云胤令溥至赤水促全忠迎駕今從之發赤水日從編遺錄

戊辰全忠至鳳翔

實錄乙丑全忠駐軍岐城之東丙寅全忠軍至城下按全忠癸亥離

長安乙丑丙寅至岐太

速今從編遺錄新紀

辛酉全忠移兵趣邠州

金鑿記曰十七日早聞岐師

令有表迎駕并述行止汴軍在岐東下寨十八日十九日白麻盧光啟可諫議大夫參知機務二十日翰

林學士姚洎兼知外制詰二十四日汴令有表奉辭
東去二十五日汴軍離發延英門舊紀癸酉全忠辭
去今從
編遺錄

崔胤責授工部尚書實錄載制辭曰三居極位一無
可稱又曰無功及人為國生事

按舊傳前云罷知政事落使務後云同平章事鹽鐵
轉運使實錄前云罷胤鹽鐵使至此制官位中復帶
鹽鐵使
皆誤

二年二月戊寅全忠旋軍河中實錄在正月按編遺
錄二月戊寅上以

駐兵車於三原乃議東歸蒲阪遂取高陵櫟陽左馮
入于蒲津梁太祖實錄正月戊申朔上摠御戎馬發
自三原復至武功縣駐馬貢章奉辭
廻軍赴蒲坂今從唐年補錄舊紀

三月李嗣昭李嗣源等勸李克用固守唐太祖紀年
錄嗣昭與今

上日夜入賊營斬將塞旗賊多驚擾梁太祖實錄三
月癸丑虜衆悉出友寧以飛騎犯其左右翼虜大敗
其掩殺不知其數擒克用男廷鸞及將校健卒數千
人實錄朱友寧圍太原營西北隅攻其西門城內大

上六百六十四
通鑑二十七
八
夏尚賓

恐克用欲奔雲中弟克寧止之又遣李嗣昭與克用
子存勗日夜擾賊營友寧乃燒營而遁按紀年錄所
謂今上者乃明宗
非莊宗也實錄誤

李儼張濬之子唐補紀二年昭宗自鳳翔遣金吾將
軍李儼齋御扎自巫峽間道潛行宣

告吳王揚行密為討伐逆賊朱全忠事李儼者宰臣
張濬男其張濬先為都統討太原退軍朝貶韓建力
救不赴貶所只在二峯其男行在乃授金吾將軍昭
宗差來宣告於吳王行密朱全忠探知張濬一門盡
遭殺戮按此年濬未死儼
賜姓李見此年十月

五月己未朱全忠發河中金鑿記五月三日岐馬步
軍敗迴戈傷中不少八日

聞四面百姓盡般移入城內二十一日聞汴帥於郟
縣築城及寶雞下寨二十三日聞汴帥至石臯又至
橫渠二十四日聞汴帥至城南十里按編遺錄六月
全忠始離渭橋此蓋全忠下游兵耳實錄據金鑿記
云癸亥朱全忠引軍至石臯乙
丑至橫渠已已駐師城南誤也

六月丁亥全忠圍鳳翔梁太祖實錄六月丁丑暨號
縣辛未文通涸兵驟出布陣

侯敵我之將卒躍進決鬪始辰暨午寇大敗屍什萬
餘人命諸軍從寨逼其壘自是岐人繼出師靡不喪
我命李暉討平丙戌復遣孔勅領軍與岐人往來以窺
州按六月乙亥朔無辛未前云丁丑後
云辛未又再云六月皆誤從唐實錄

十月李儼至揚州十國紀年注李吳蜀書張格傳云

水之禍改姓名曰李儼九國志云李儼本左僕射張
所害播自長水奔鳳翔昭宗賜其姓名來使欲徵兵
復離行密與李全忠書云選張述於諫省俾御命於
啟藩授秩執金賜編屬藉新舊唐書昭宗紀及濬傳
皆云天復三年十二月全忠殺濬於長水然則儼來
使時濬猶未死述與休字相亂或一名播乎實錄是
日始以儼為江淮宣諭使以行密充吳王東面行營
都統誤也據行密書則儼父在時已賜姓李宣諭行
密為討全忠明年春全忠既克鳳翔儼遂留淮南不
敢歸朝耳

朱全忠遣司馬鄴奉表入城實錄庚辰司馬鄴奉表

薛居正五代史司馬鄴傳大軍在岐下遣

十一月孔勅拔坊州又取鄜州編遺錄十二月癸酉

鄜州以牽李周彝之兵已亥我師攻陷鄜牆獲周彝
親族遂令李暉權知鄜時軍事不數日周彝乃遣幕
賓投分通好然上許抽兵梁太祖實錄十一月癸卯
鄜帥李周彝統州兵萬餘人屯于老瞞祠之下上命
孔勅李暉乘虛捷取之壬子勅等破中部郡甲寅大
雨雪大軍冒之夕進五鼓及其壘克之按癸卯距已
亥近六十日鄜汴相守豈得
全不交兵今從唐梁二實錄

盧光稠陷韶州新紀是歲光稠卒牙將李圖自稱知

稠傳開平五年方卒新紀誤也

三年正月丙午王師範遣劉鄩取兗州舊紀丙午青

陷全忠之兗州又令牙將張厚入奏是日亦竊發於
華州殺州將婁敬思唐太祖紀年錄是月四日青州
帥王師範將劉鄩竊據兗州同日師範將張厚葦戈
甲十乘至華為華人所詰因竊發燔其鄩殺華州指

揮使婁敬恩而去新紀丙午師範取兗州梁太祖實錄丙辰青州綱將亂于華而敗是日劉鄩陷我兗州唐實錄亦在丙辰按長曆丙午正月四日丙辰十四日編遺錄云魏師及朱友寧告急劉鄩正月四日襲陷兗州與紀年錄等同梁太祖實錄多謬誤恐難據今從諸書移置丙午唐祖補紀云天復二年尤誤

戊申誅韓全誨等舊紀丁巳蔣立暉與中使押送全誨等三十人首級告諭四鎮兵士

回鑿之期新紀正月戊申殺全誨等唐太祖紀年錄正月甲辰鳳翔李茂貞殺其子繼筠觀軍容韓全誨

張彥弘樞密使素易簡周敬容等二十二日誅全誨等唐囊盛押領出城以示朱溫金鑿記六日誅全誨等唐

年補錄正月癸卯賜朱全忠詔唐補紀云天復三年二月誅全誨等八人其全誨等伏誅日今從金鑿記

實錄新紀按金鑿記唐年補錄唐實錄後唐紀年錄載六日所誅宦官名可見者全誨等四人處廷等十

六人而金鑿記云是夜處置內官一十九人唐年補錄云金誨以下二十二夜二人首級紀年錄云殺全誨等

二二人若并繼筠等數之則多二人若只數宦官則少

二人若如金鑿記是夜又誅十九人則多一人或者

二人名不見歟

通鑑考異二十七

車駕幸全忠營王禹稱五代史闕文曰昭宗幸梁為鞋

不得已跪而結之流汗浹背時天子扈蹕尚有衛兵昭宗意謂左右擒梁祖以殺之其時無敢動者自是

梁祖被召多不至其後盡去昭宗禁衛皆用汴人矣按全忠時擁十萬之衆昭宗方脫茂貞虎口託身全

忠豈敢遽為此謀或者欲効漢高祖之折黥有亦恐昭宗不能辦耳今不取

庚午全忠殺第五可範等數百人舊紀辛未內官第

人並賜死於內侍省金鑿記二十八日處置第五可範已下四百五十人太祖紀年錄內諸司百餘人及

隨駕鳳翔羣小二百餘人一時斬首于內侍省舊傳與紀年錄同新傳削全忠議誅第五可範等八百餘

人於內侍省梁太祖實錄已命畿內及諸道搜索處範等五百餘人于內侍省仍命畿內及諸道搜索處

置以盡厥類唐年補錄云誅宦官七百一十人按舊紀編遺錄皆云正月辛未誅可範等而梁實錄唐補

紀續寶輝錄金鑿記唐年補錄薛居正五代史梁紀新唐紀或云已巳翊日或云二十八日今從之蓋全

忠肅雖奏云罷諸司使務追監軍赴闕其實即日已擅誅之至二月癸酉始下詔賜死故昭宗哀而祭之耳

二月陸扆言鳳翔獨無詔書舊傳帝還京後赦諸道皆降詔書獨鳳翔無詔

扆奏云云按是時未赦恐止是降詔書或赦前扆議如此故肅怒耳

蘇檢盧光啟賜死實錄檢光啟並賜自盡一說檢長流環州唐太祖紀年錄初從幸鳳

翔命盧光啟韋貽範為相又命蘇檢平章事及車駕還宮肅積前事怒之不一月皆敗謫之左遷陸扆沂

王傳王溥太子賓客蘇檢自盡續實運錄二月五日應是岐王駕前宰臣盧光啟等一百餘人並賜自盡

新紀朱全忠殺蘇檢盧光啟舊肅傳昭宗初幸鳳翔命盧光啟韋貽範蘇檢等作相及還京肅皆貶斥之

新光啟傳云檢長流環州不見本出何書寶運錄注同檢流環州不見本出何書

輝王祚為諸道兵馬元帥金鑿記上曰朕以漢王處長云云新傳帝十七子德

王裕棣王禩虔王禊沂王禔遂王禕景王祕輝王祚祁王祺雅王禎瓊王禕端王禎豐王祁和王福登王禕嘉王祐穎王禔蔡王祐何皇后生裕及祚餘皆失母之氏位舊傳云昭宗十子無端王禎以下七人按

通鑑二十七

十一

新舊傳昭宗諸子皆無濮王孫光憲續通曆濮王名糾昭宗之子母曰太后王氏哀帝被殺朱全忠冊糾

為天子改元天壽明年禪位於梁此乃光憲傳聞謬誤也昭宗亦無王皇后金鑿記所云濮王蓋德王改

封耳

朱友裕為鎮國節度使實錄壬辰以興德府復為華州賜名感化軍以友裕為節

度使按編遺錄天祐二年閏十二月乙丑勅鎮國之號興德之名並宜停薛居正五代史地理志華州梁

為感化軍梁功臣傳天復三年友裕權知鎮國軍留後今從實錄

五月雷彥威陷江陵成汭赴水死新紀彥威之弟彥恭陷江陵今從編

遺錄舊紀及薛居正五代史十國紀年皆云汭未至鄂渚江陵已陷將士立其家皆無關志按新紀十國

紀年皆云壬子汭敗死壬子此月十二日也而編遺錄云二十二日陷江陵今不取此夢鎖言云天祐中

汭死大誤也

許德勳還過岳州鄧進忠降馬氏行年記天復二年自荆南振旅還遂入岳

州降刺史鄧進忠九國志楚世家天祐二月七月岳
州刺史鄧進忠帥其衆來降許德勳傳云天祐二年
領兵畧地荆南還經岳州刺史鄧進忠以城歸附新
紀全用九國志年月湖湘故事言開平中收荆南回
進忠以城降又載何致雍天策寺碑銘云乃克桂林
乃襲荆渚彼岳之陽旋師而取天祐二年十月朱全
忠謀討襄州趙匡凝九月克襄州始命楊師厚攻荆
南然則七月許德勳何繇略地荆南蓋九國志之誤
天復三年成汭敗死德勳及雷彥威襲江陵還
取岳州與何致雍碑意略同故以行年記爲據

朱友寧屠博昌唐太祖紀年錄師範之舉兵也朱溫
今朱友寧討之三月己酉朱溫至汴

州大舉四鎮魏博之衆十萬擊師範朱友寧楊師厚
攻博興旬餘不下攻城之衆死者大半俄而朱溫至
大怒斬其主將復起土山翌日而拔城中無少長皆
屠之仍毀其垣四月進臨淄傳青州別將攻北海
渡膠水寇登萊等郡實錄據此而置於四月梁太祖
實錄四月丙子上至鄆領事辛卯從子友寧率師破
青州之博昌臨淄二邑殺戮五千餘衆暨北海馬編
遺錄五月辛亥却離歷下宿豐齊驛甲寅上到汶陽
乙卯奏王師範逆狀已未上又往歷下壬戌上以兵
士攻取博昌寨下少樹木時當炎毒却勒親從騎兵

六八九百一

道鑑二十七

一一

皆歸齊州因又前行夜將半客將劉捍謀曰捍請馳
赴軍前傳諭上意敦將士令戮力速攻必可尅也今
請上却歸歷下上悅而從之便令捍馳騎東往此乃
西歸汶陽丙寅捷音至攻拔博昌盡戮其黨矣據此
則破博昌在五
月今從友寧傳

八月田頽舉兵叛楊行密十國紀年朱全忠聞田頽
等叛矯制削奪王官爵命

頽及杜洪鍾傳錢鏐充四面招討使布制書於境上
王知其詐妄按新舊紀實錄梁太祖紀皆無削奪行
密命洪等爲招
討使事今不取

九月楊師厚大破王師範梁太祖實錄九月癸卯楊
師厚勵衆決鬪青人

北走殺戮一萬人擒師範弟師克翌日東萊郡遣州
兵泊土圍等五千人將援青壘我師邀截翦撲無一
二存焉即時徙寨逼其閭閣唐實錄畧與此同編遺
錄冬十月丁卯楊師厚繼告捷於臨朐址極青州四
面累殺破賊黨擒斬頗衆至十一月萊州刺史王師
克領六千人欲徑入青丘取其守禦師厚伏兵邀之
殺戮將盡下又有丁亥上誕辰聞朱友倫死誕辰乃
十月二十一日友倫死亦十月中事也下又別有十

一月疑上十一月是十一日字或七日本字又曰一日師範請降疑脫二十字二十一日即戊午也今從梁實錄

甲寅朱全忠如洛陽遇疾復還大梁梁實錄云壬戌唐實錄云十月

丁卯朔今從編遺錄

戊午王師範降全忠舊紀及薛居正五代史劉鄩傳皆云十一月師範降編遺錄曰

十一月敗萊州刺史王師克一曰師範差人捧款檄至軍前請舉牆歸降按梁太祖實錄薛史梁紀唐實錄皆云九月

戊午今從之

十月丁丑劉鄩降全忠梁實錄四年正月辛丑劉鄩自兗州來降舊紀十一月鄩

以兗州降實錄十一月鄩降薛居正五代史梁紀十一月丁酉鄩降鄩傳曰天復三年十一月師範告降

且先差鄩領兵入兗州請釋其罪亦以告鄩鄩即出城聽命新紀十月丁丑劉鄩以兗州叛附于朱全忠

按青兗相距不遠師範之降亦以告鄩豈有自戊午至丁酉五十日師範使者始至兗州邪十月丁丑日

差近今從新紀

辛巳朱友倫卒編遺錄丁亥趙廷隱自長安馳來告今月十四自朱友倫墜馬而卒十四

日則庚辰也後唐紀年錄薛居正五代史紀昭宗實錄皆云辛巳今從之

十二月劉仁恭擒述律阿鉢薛居正五代史及莊宗列傳皆云光啟中守光

禽舍利王子其王欽德以重賂贖之按是時仁恭猶未得幽州也今從薛史蕭翰傳及王皞唐餘錄

天祐元年正月柳璨同平章事舊傳崔胤得罪前一

見制救死之日既夕璨自內出前驅傳呼相公來人未無知者日暮自禁中出傳呼宰相人大驚按胤

未死璨已除平章事新舊傳云胤死後誤也

朱全忠殺崔胤舊傳全忠攻鳳翔胤寓居華州為全忠

東歸胤以事權在已慮全忠急於篡代乃與鄭元規謀招致兵甲以扞茂貞為辭全忠知其意從之令汴

州軍人入關應募者數百人及友儉死全忠怒遣其子宿衛軍使友諒誅胤而應募者突然而出唐太祖

紀年錄曰及事權既大知朱溫懷篡奪之志慮一朝禍發與國俱亡因圖自安之計與朱溫外兒相厚私心漸異與元規密為計畫倍招兵數繕治鎧甲朝夕不止朱溫察之乃陰令部下驍果數千給為散卒於京師應募者每曰殺關弓弩梁卒偽示怯懦或倒戈背矢有若不能者莫之識俄而朱友倫打毬墜死溫愈不悅又聞劉崇欲挾天子出幸荆襄溫乃抗言將亂天下傾覆朝廷宜急誅之無令事發天子將罷劉知政事貶太子賓客鄭元規循州司戶事未行溫子胤友諒引兵攻劉崇詰旦擒之又攻鄭元規於京府擒之崔鄭俱獻首岐下實錄劉重世宰相而志滅唐祚按崔胤陰狡險躁其罪固多然本召全忠而志欲假其兵方以除宦官耳宦官既誅全忠兵勢益彊遂有篡奪之心胤復欲以譎詐并圖全忠故全忠覺而殺之若云唐室因胤而亡則則可矣舊傳云胤為全忠畫圖王上相滅唐立梁於已何益假令胤實有此志則惟患全忠篡代之不速何故復謀拒之此所謂天下之惡皆歸焉者也紀年錄序朱崔之情近得其實今從之然紀年錄云傳首岐下誤也又全忠之去長安也留步騎萬人何患無兵何必更令全忠應募若在訓練之際突出擒胤猶須此卒胤既貶官家居一夫可制

大小百五十六

通鑑二十七

十四

陶乾

安用此計邪蓋全忠以胤募兵既多或能圖已故使汴卒應募察其動靜以壞其謀非藉北兵以誅胤也人始不知及誅胤之際皆突出人方知是汴卒耳

二月乙亥車駕至陝

梁實錄丁巳詔以今月二十二日先遣士庶出京朕將翌日命

駕壬戌襄宗發自秦雍甲子暨華州二月丁卯上至河中乙亥天子駐蹕陝郡翌日上來觀于行在編遺錄正月丁酉上聞闕下人心不遑遂往河中以審都邑動靜已酉離梁園行至汜水聞崔胤死是時皆言崔胤已下潛諫帝不令東遷維陽又密與岐鳳交通及斯禍也洎上至蒲津帝謀東幸決取二十一日屬車離長安是日丁巳王鑾東指癸亥到甘棠二月乙亥上離河中丁丑到陝郊戊寅朝上欲躬往洛下催促百工壬辰朝辭明日東邁唐太祖紀年錄丁巳下詔與梁實錄同又曰壬戌昭宗發長安遷幸洛陽丁卯車駕次華州乙亥駐蹕陝州丙子朱溫自汴州迎覲見已先發自此人使相望于路請駕早行幸洛陽舊紀正月己酉全忠率師屯河中遣牙將寇彥卿奉表請車駕遷都洛陽丁巳車駕發京師癸亥次陝州全忠迎謁于路二月丙寅朔乙亥全忠辭赴洛陽親督工作薛居正五代史梁紀正月辛酉帝發自大梁

西赴河中京師聞之為之震懼唐年補錄丁巳帝御
延喜樓全忠迎扈表至及還宮至暮全忠已移書宰
臣裴樞從百官東行是日下詔與梁實錄同尋以張
延範為縉營使便毀折宮室汾河而下仍起亳民從
行貪者亦繼焉車駕以其月二十三日己未至華州
二月丙寅車駕駐陝郊又曰三月三日戊辰車駕離
華下其差舛如此實錄丁巳全忠遣牙將寇彥卿奉
表言慮邠岐兵士侵迫請車駕遷都洛陽乃下詔與
梁實錄同二月丙寅朔丁卯次華州時朱全忠屯河
中乙亥駐陝州丙子全忠來朝又賜王建綰詔云正
月二十日朕登樓二十二日東軍兵士擁脅朕東去
新紀正月戊午全忠遷唐都于洛陽二月戊寅次陝
州朱全忠來朝按梁實錄唐紀年錄唐年補錄唐實
錄所載詔書皆云二十二日遣士庶出京朕翊日命
駕而諸書月日各不同莫有與此詔相應者編遺汴
人所錄比唐紀年宜得其實而正月十一日丁巳
全忠請遷都表始至長安車駕當日豈能便發長安
去陝猶八程而癸亥已到甘棠首尾七日太似忽遽
實錄全用紀年錄正月二十六日始離長安二月二
日至華州駐留數日故同以十日始至陝差似相近今
從之

大小七百九十六 通鑑二十七 十五 陶坤刊

三月全忠奏以長安為佑國軍按河南府先已為佑國軍令京兆府乃與

同名者蓋車駕既在河南則無用軍額故移其名於京兆耳天祐三年鄭賓猶為西京留守判官然則雖立軍額京名尚在耳

上遣問使賜王建楊行密李克用等綰詔續寶運錄天復四年

三月二十二日丑時襄宗在陝府行營密遣綰詔告晉楚蜀末云三月二十三日四月二十七日賈到西

川頒示管內州縣實錄此月綰詔在四月據十國紀年楊行密三月王建四月得詔與寶運錄畧相應今

移置此月

四月全忠殺內園小兒二百餘人後唐紀年錄云五百人實錄據之今

從舊紀 薛史

敕內諸司不以内夫人充使編遺錄曰戊申鑾輿初到洛都經費甚廣況國

用未豐庶事草創因刪畧閑冗司局今後除留宣徽等九使外餘並停廢仍不差內中夫人充使蓋初誅

宦官後內諸司使皆以內夫人領之至此始用外人也而實錄改充使為宣事誤也

昭宣帝天祐二年八月己亥全忠擊趙匡凝梁太祖

居正五代史梁紀皆云七月庚午遣楊師厚率前軍討趙凝於襄州辛未帝南征唐實錄七月全忠奏匡

凝擅通好西川淮南又遣弟專領荆南請削奪官爵已遣都將楊師厚討之翌日全忠自帥軍以進編遺

錄八月壬辰先抽武寧楊師厚是日到乃議伐襄州帥趙匡凝乙未大發車徒委楊師厚總其軍政己亥

上領親從步騎繼大軍之後是夜宿尉氏今從之薛史太祖將圖禪代以匡凝兄弟並據藩鎮乃遣使先

諭旨焉凝對使者流涕答以受國恩深豈敢隨時妄有他志使者復命太祖大怒天祐二年秋七月遣楊

師厚率師討之辛未全忠南征表匡凝罪狀請削官爵按全忠劫遷昭宗於洛陽匡凝與行密等移檄諸

道共討之全忠安肯以禪代問之今不取

盧約陷溫州新紀正月約陷溫州十國紀年在此月戊戌今從之

九月全師朗降王建李昊蜀書高祖紀作全行思後主紀作全行宗林思諤王宗播

大小七百九 通鑑二十七 十六 夏忠

王承規傳作全行宗桑弘志傳作全行朗新書馮行襲傳作金行全蓋傳寫差誤不可考正按後蜀後主

實錄云金州招安指揮使全師郁世居全州襲是師朗昆弟族人也今從十國紀年

周隱請召劉威按徐溫謂隱為奸人隱若欲為亂當密召劉威豈肯對其父斥渥短請以

軍府授威隱乃戀直之人耳

十月辛卯朱全忠抵光州梁太祖實錄十月壬申上御大軍發自襄州由安黃

涉申光暨壽春之翟丘駐馬十國紀年十月朱全忠自襄州帥衆二十萬趨光壽按十月丙戌朔無壬申

梁實錄誤今從編遺錄

十一月庚辰楊行密薨十國紀年注吳錄唐烈祖實錄及吳史官王振撰楊本紀

皆云天祐二年十一月庚辰行密卒敬翔梁編遺錄云天祐三年三月潁州獲河東諜者言去年十一月

持李克用絹書往淮南十二月至揚州方知楊行密且死與莊宗功臣列傳行密傳所載畧同沈顏行密

神道碑殷文主行密墓誌游恭渥墓誌皆云天祐三年丙寅二月十三日丙申卒薛居正五代史行密傳

亦云天祐三年卒行密之亡嗣君幼弱不由朝命承襲或始死未敢發喪赴以明年二月疑沈顏等從而書之墓誌云十一月吳王寢疾付渥後事授淮南使或本紀等誤以此月為行密卒王振沈顏殷文圭游恭留仕吳而記錄差異固不可考今從舊史而存碑誌年月以廣傳聞

十二月戎昭節度使馮行襲領武定實錄云改為武寧軍新表云改

為武定軍按武寧乃徐州軍額武定乃洋州軍額不應同名續寶運錄注云天復七年秋汴軍都頭號為

青面改姓朱授全忠印綬為洋州刺史洋州自景福元年刺史楊守佐歸順鳳翔後被朱全忠除此年秋

蜀第指王名宗朗拜金州刺史又編遺錄天祐三年降賜姓二指揮使王宗綰收獲金州都押衙全貴率眾

二月云行襲已於均州建節因署韓恭知金州事請朝廷落下防禦使并不建戎昭軍以此諸書參驗似

是今者以行襲兼領洋州節制非改戎昭為武定軍也實錄新表皆誤續寶運錄云天復七年亦誤也

三年四月鐘傳養子延規實錄初鍾傳養上藍院僧傳卒遂召淮帥陷其城今從十國紀年吳史

通鑑二二七

七月朱全忠引兵南還實錄在六月今從編遺錄甫未上起兵離魏都按長歷是月壬子朔無癸未編遺錄誤也

壬申全忠至大梁編遺錄云壬辰亦誤

十月王建立行臺續寶運錄曰天復六年十月六日行下北勝帖則是此年十月也

十二月錢鏐薦王景仁領寧國節度使薛居正五代史鏐辟為兩

府行軍司馬具以狀聞太祖復命遙領宣州節度使同平章事歐陽修五代史曰鏐表景仁領宣州節度

使今從之

閏月丁會降河東唐太祖紀年錄丁酉丁會開門迎降閏十二月太祖以李嗣昭為路

帥薛居正五代史梁紀在閏月後唐紀在十二月今從新舊唐紀薛史梁紀及編遺錄

資治通鑑考異卷第二十七

遂蠶食諸部達鞏奚室韋之屬咸被驅役漢高祖實錄唐餘錄皆曰僖昭之際其王邪律阿保機怙彊恃勇距諸族不受代自號天皇王後諸族邀之請用舊制保機不得已傳旗鼓且曰我為長九年所得漢人頗衆欲以古漢城領本族率漢人守之自為一部諸族諾之俄設策復併諸族僭稱皇帝土地日廣大順中後唐武皇遣使與之連和曰及欽德政衰阿保機帳中約為昆弟莊宗列傳又曰我及欽德政衰阿保機和因與之稱國王天祐二年大寇我雲中太祖遣使連曰唐室為賊臣所篡吾以今冬大舉弟助我精騎二萬同收汴洛保機詐諾保機既還欽德以國事傳之賈緯備史云武皇會保機故雲州城結以兄弟之好時列兵相去五里使人馬上持盃往來以展酬酢之禮保機喜謂武皇曰我蕃中酋長舊法三年則罷若他日見公復相禮否武皇曰我受朝命鎮太原亦有遷移之制但不受代則可何憂罷乎保機由此用其教不受諸族之代趙志忠虜庭雜紀云太祖諱億番名阿保謹父諱幹里太祖生而智八部部落主愛其雄勇遂退其舊主遙輦氏歸本部立太祖為王又云凡立王則衆部酋長皆集會議其有德行功業者立之或災害不生羣牧孳盛人民安堵則王更不替代苟

不然其諸酋長會衆部別選一名為王故主以蕃法亦甘心退焉不為衆所害又曰有韓知古韓穎康枚王奏事王郁皆中國人共勸太祖不受代新唐書載契丹八部名與漢高祖實錄所載八族名多不同蓋年祀相遠虜語不常耳其實一也阿保機云我為長九年則其在國不受代又矣非因武皇之教也今從漢高祖實錄又唐餘錄前云乾寧中劉仁恭鎮幽州保機入寇仁恭擒其妻兄述律阿鉢由此十餘年不能犯塞下乃云大順中與武皇會於雲中按大順在乾寧前乾寧三年仁恭方為幽州節度大順中末也又武皇謂曰唐室為賊臣所篡吾以今冬大舉此非大順中事唐餘錄誤也又編遺錄開平二年五月契丹王阿保機及前國王欽德貞方物然則於時七部猶在也

晉王與阿保機連和

唐太祖紀年錄太祖以阿保機阿保機領其部族三十萬至雲州東城帳中言事握手甚歡約為兄弟旬日而去留男骨都舍利首領沮京梅為質約冬初大舉渡河反正會昭宗遇盜而止歐陽史曰梁將篡唐晉王李克用使人聘于契丹阿保機以兵三十萬會克用於雲州東城握手約為兄弟期兵舉兵擊梁按雲州之會莊宗列傳薛史皆在

天祐四年而紀年錄獨在天祐二年又云約今年冬同收汴洛會昭宗遇盜而止如此則應在天祐元年昭宗崩已前不應在二年也且昭宗遇盜則尤宜與兵討之何故止也按武皇曰唐室為賊臣所篡此乃四年語也其冬武皇寢疾蓋以此不果出兵耳今從之

甲午敬翔為崇政院使實錄四月辛未以翔知崇政院事五月甲午詔樞密院宜

改為崇政院始命翔為院使蓋崇政院之名先已有之至是始併樞密院職事悉歸崇政院耳

六月楚秦彥暉破淮南兵執劉存等編遺錄天祐四年四月湖南軍

陳邵告捷淮南朗州水陸合勢奔衝其境馬殷出舟師於劉陽江口大破賊黨生擒偽鄂州節度使劉存

按薛史梁紀馬殷奏破淮南寇在六月十月國紀年吳史劉存攻楚在五月敗在六月楚史亦然編遺錄誤也

七月曲裕卒以其子顯為節度使諸書不見顯於裕何親按薛史六月

丙辰裕卒七月丙申以靜海行營司馬權知留後曲顯起復為安南都護充節度使既云起復知其子也

九月蜀主即皇帝位莊宗列傳太祖厭代建自帝於成都年號武成薛史唐餘錄天

祐五年九月建自帝於成都年號武成九國志此年七月即帝位明年改元宋庠紀年通譜天祐四年秋稱帝次年改元歐陽史十國紀年天復七年九月即位明年改元今從之

二年正月晉王命克寧等立存勗五代史闕文世傳武皇臨薨以三矢

付莊宗曰一矢討劉仁恭汝不先下幽州河南未可圖也一矢擊契丹且曰阿保機與吾把臂而盟結為

兄弟誓復唐家社稷今皆約附梁汝必代之一矢滅朱溫汝能成善志死無恨矣莊宗歲三矢于武皇廟

及討劉仁恭命幕吏以少牢告廟請一矢盛以錦囊使親將負之以為前驅凱旋之日隨俘馘納矢于

太廟伐契丹滅朱氏亦如之按薛史契丹傳莊宗初嗣世亦遣使告哀賂以金繒求騎軍以救潞州契丹

答其使曰我與先王為兄弟兒即吾兒也寧有父不助子邪許出師會潞平而止廣本劉守光為守文所

攻屢求救於晉晉王遣將部兵五千救之然則於時莊宗未與契丹及守光為仇也此蓋後人因莊宗成

功撰此事以誇其英武耳

五月牛存節救澤州歐陽史云存節從康懷英攻潞州為行營排陳使晉兵已破夾

城存節以餘兵歸行至天井關聞晉兵攻澤州而者
之梁列傳澤州將陷河南尹張宗奭召龍虎統軍牛
存節謀之存節帥本軍及右神武羽林等軍往應接
上黨回帥至天井關即引襄前救澤州薛史亦同按
存節若自夾城遁歸則先過澤州後至天井關
豈得已過而返救之也今從梁列傳及薛史

周德威退保高平莊宗列傳朱溫傳云李存璋進攻
澤州刺史王班棄城而去澤路皆

平今不取

張顥徐溫共謀弒弘農王吳錄顥使紀祥陳暉黎瑋
孫殷等執渥於寢室弒之

不言徐溫蓋徐鉉為溫諱耳薛史因之而江南別錄
有獨用左衙兵事歐陽史云溫顥共遣盜殺渥約分

其地以臣於梁按溫與顥分掌牙兵溫若不同謀顥
必不敢獨弒渥今從江南別錄十國紀年張顥欲稱

淮南留後送款於梁以淮南易蔡州節制徐溫曰揚
州距汴州往返僅二千里軍府踰月無主必亂不若

有所立然後圖之按顥稱
留後則有主矣今不取

鍾泰章斬顥吳錄作鍾泰章十國紀
年作鍾泰章今從之

通鑑二二八

四

錢祥

秦彥暉入朗州雷彥恭奔廣陵梁太祖實錄云丁酉
朗州軍前奏捷彥恭

沒溺于江
今從紀年

十月丁巳帝還大梁編遺錄在乙卯
今從實錄薛史

三年四月保大節度使李彥博編遺錄五代史作彥
容今從劉恕廣本

六月乙未朔劉知俊以同州叛實錄六月庚戌知俊
據本部反削奪官爵

興師討伐編遺錄六月乙未初奏本道軍民遮留尋
聞擒使臣及將送鳳翔蓋編遺據奏到之日實錄據

削奪之
日也

七月商州將吏斬李稠薛史稠棄郡西奔本州將吏
以都牙校李致權知州事歐

陽史商州軍亂逐其刺史李稠稠奔于岐實錄丙寅
陝州奏商州刺史李稠棄郡逃山谷又曰商州將吏

以稠驅虜士庶西趨追斬無遺暫
令都押衙李致主州事今從之

王班鎮襄州薛史作王班
今從實錄

劉玘爲亂兵所立逃來

姚顛明宗實錄薛史玘傳皆云玘日受賀衙庭享士伏甲

幕下中筵盡斬其亂將以聞以功爲復州刺史按梁祖實錄八月丁酉賜玘王延順物以其違逆將之難

來歸編遺錄斬李洪等敕云始扶劉玘既奔竄以歸明若使玘翌日便斬亂將襄州何由至九月始收復

蓋玘脫身歸朝及梁云入唐妄云斬亂將自誇大史官不能考察從而書之耳

八月楊師厚救晉州破周德威

實錄云殺玘生擒賊將蕭萬通等賊由是

棄寨而遁莊宗實錄云汴軍至蒙沈周德威逆戰敗之斬首二百級師厚退絳州是役也小將蕭萬通戰

沒師厚進營平陽德威收軍而退二軍各言勝捷然既殺蕭萬通師厚何肯退保絳州既敗而退豈得復

進營平陽德威既戰勝安肯便收軍蓋晉軍實取走莊宗實錄妄言耳

十一月羅紹威乞骸骨以其子周翰爲天雄節度副

使梁功臣列傳朝廷自開創有大事皆降使咨訪紹威有謀慮亦馳簡獻替或中途相遇意互合者十

得五六太祖歎曰竭忠力一人而已又日子三人長廷規司農卿尚安陽公主又尚金華公主早卒次周

通鑑二六

通鑑二六

五

夏宗

翰起復雲麾將軍充天雄節度留後尋檢校司徒正授魏博節度使亦早卒次曰周敬薛史亦同實錄已

亥以司門郎中羅廷規充魏博節度副使知府事仍改名周翰時鄴王紹威病日甚慮以後事故奏請焉

莊宗列傳紹威卒溫以其子周翰嗣政莊宗實錄紹威厚率重歛傾府藏以奉溫小有違忤溫即遣人詬

辱紹威方懷愧耻悔自弱之謀乃潛收兵市馬陰有覆溫之志而賂溫益厚溫恠其曲事慮蓄奸謀而莫

之察乃賜紹威妓妾數人皆承嬖愛未半歲溫却召還以此得其陰事內相予楮薛史又云開平四年夏

詔金華公主出家爲尼居於宋州立靜寺蓋太祖推恩於羅氏令終其婦節也唐餘錄歐陽史皆同惟唐

莊宗實錄獨異按均帝時趙叢等言羅紹威前恭後倨太祖每深含怒似與此言合然梁祖若聞紹威有

陰謀必不使周翰更居魏疑後唐史以紹威與梁最親疾之而載此傳聞之語今從衆書廷規更名周翰

亦恐實錄之誤

四年三月夏州殺李彝昌推族父仁福爲帥

薛史仁項托跋氏唐末托跋思恭以破黃巢功賜姓故仁福之族亦姓李歐陽史云不知其於思諫爲親踈也按

仁福諸子皆連彞字則於彞昌必父行也

五月劉守光兼義昌節度使實錄是歲五月以義昌留後劉繼威為義昌節

度使八月又云以守光兼義昌節度使不言置繼威於使處或者後為留後不然守光兼幽滄節度使繼威但為滄州節度使皆不可知今兩存之

十二月楚王殷遣呂師周討辰淑蠻湖湘故事呂師周斬潘金晟於

武崗其年十月十一日辰州宋鄴淑州昌師益一時歸投馬氏今從十國紀年

龐巨昭劉昌魯降于楚湖湘故事龐巨曦本唐末邕容等州防禦使聞馬氏令公

以征南步軍指揮使李瓊知桂州軍事領兵士收服嶺外昭梧象柳互蒙賀桂等州巨曦聞此雄勢謂諸首領曰李瓊有破竹之勢若長驅兵馬此來侵吞吾境其將奈何時容南指揮使莫彥詔對曰李瓊兵馬其勢已雄必然輕敵今欲燒毀城內軍儲旦各入山洞拋州城與李瓊候纜入州却依前出諸山峒兵士復攻之堅守旬月之間城內必無軍糧外無救應方可製造攻具再攻擊之必取勝也龐巨曦曰吾每至

通鑑二一八

六

中宵獨占氣象馬氏合當五十餘年興霸湖外苟五十年對壘安知孰非是以憂疑不暇遂至深夜斬莫彥昭於私第明日以其故密走事宜於湖南又曰天復末甲子十有二月容南龐巨曦深慮廣南劉巖不道加害於已遂差小吏間路密馳書款歸於馬氏是時湖南遣澧州刺史姚彥章領馬步軍八千徑往容南巨曦遂帥萬餘衆歸于馬氏又曰高州防禦使劉昌魯以廣南先生劉巖欲併吞嶺外數召昌魯欲藉沒其家族昌魯知之乃刺血寫書投馬氏具述懸急湖南遂遣捉生指揮使張可球部轄兵馬於界首應接一行二千餘口歸于馬氏今從十國紀年

乾化元年正月丙戌朔日食李昊屬書丁亥朔日食今從實錄等諸書

五月以劉巖為清海節度使十國紀年甲辰太祖授

巖按薛史僭偽傳云前偽漢劉陟胡賓王劉氏興二錄高祖巖皇考葬段氏得石版有篆文曰隱台巖因名其子巖是名巖後名陟也吳越備史乾化四年廣帥彭城巖遣陳用拙來使吳錄天祐十四年南海王劉巖自立為漢唐烈祖實錄乾化元年五月劉陟僭位改名巖梁太祖實錄乾化元年五月劉陟度

副使劉陟為節度使二年四月以韋戩為潭廣和叶使云廣守淪謝其母弟巖為軍情所戴七月友珪加劉巖檢校太傅薛史梁末帝紀貞明五年九月削奪廣州節度使劉巖官爵吳越備史載制詞亦云彭城巖蓋嗣節度使後復名巖也惟莊宗實錄同光二年二月廣南劉陟遣何詞來使莊宗列傳自嗣立至建號皆云劉陟衆說不同未知孰是今以其首尾名巖故但稱劉巖云

六月劉守光欲稱帝囚王瞳史彥郡等莊宗列傳劉守光傳云朱

溫命偽閣門使王瞳供奉官史彥章等使燕冊守光為河北道採訪使六月汴使至守光令所司定尚父採訪使儀注取二十四日受冊朱溫傳亦云史彥章莊宗實錄作史彥璋編遺錄薛史皆作史彥群今從之又莊宗實錄二月己丑鎮州遣押衙劉光業至言劉守光凶淫縱毒欲自尊大請稔其惡以咎之推為尚父乙未上至晉陽宮召張承業諸將等議討燕之謀諸將亦云宜稔其禍上令押衙戴漢超持墨制友六鎮書如幽州其辭曰天祐八年二月二十七日天德軍節度使宋瑤振武節度使周德威昭義節度使李嗣昭易定節度使王處直鎮州節度使王鎔河東節度使尚書令晉王謹奉冊進盧龍橫海等軍節度

檢校太師兼中書令燕王為尚書令尚父五月六鎮使至汴使亦集六月守光令有司定尚父採訪使儀則梁太祖實錄都王瞳受旨史彥羣齋國禮賜幽州劉守長差閣門使王瞳受旨史彥羣齋國禮賜幽州劉守光甲午守光連上表章率以鎮定既與河東結權兼同差使請當道却行天祐年號事守光尋捉王瞳彥羣上下一行並囚禁數日後放出按莊宗實錄及南唐列祖實錄皆云三月辛亥晉王遣戴漢超推守光為尚父辛亥亥三月二十七日也壬辰乃三月初八日王瞳等安得已在幽州甲午乃三月十日守光安得上表云六鎮推臣為尚父編遺錄月日多差誤今不取

八月守光以史彥群為御史大夫編遺錄云御史臺副使今從莊宗實錄

十一月高萬興奏收鹽州實錄開平二年六月丁未靈武韓遜奏收復鹽州擒

偽刺史李繼直已下六十二人至此年降高行存下云鹽州與吐蕃党項犬牙相接為二境咽喉之地又烏池鹽醴之利戎羗意未嘗息唐建中初為吐蕃所陷砮其壙而去由是銀夏寧延泊于靈武歲以河南河東山南淮南青徐江浙等道兵士不啻四萬分護其地謂之防秋貞元九年朝政稍暇乃命副元帥渾

戒惣兵三萬復取其地建百雉焉自是虜塵乃息邊
患遂止唐代革命又復失之今纔動偏師遽收襟要
國之右臂瘡痍其息哉李茂貞養子多連繼字開平
三年所收似屬鳳翔今又收復云唐革命失之前後
必一誤或者開平
既得又失之也

二年二月帝至白馬撲殺孫騰等梁祖實錄云賜自
盡今從莊宗實錄

三月東強卒詐降擊李周彝莊宗實錄頃之周彝書
寢左右未至其人抽擔

擊周彝首踣於地求兵仗不獲周彝大呼左右救至
獲免卒睨周彝曰吾比欲傳刃於朱溫之腹非爾
也誤矣編遺錄云時有一百姓來投軍中李周彝收

於部伍間謂周彝曰請賜一劍願先登以收其牆未
許問忽然抽茶擔子揮擊周彝頭上中檐幾仆于地

左右擒之元是棗強邑中遣來令詐降本意欲窺弄
招討使楊師厚斯人不能辨乃誤中周彝按此卒從

周彝請劍周彝不許而令負擔豈不知周彝非溫也
又帝王與將居處侍衛不同豈容不識而誤中

之若本欲殺楊師厚則似近之今既可疑皆不取

五月單廷珪與周德威遇於龍頭岡莊宗實錄作牟
頭岡今從莊宗

列傳莊宗實錄四月己卯朔周德威擒單廷珪進軍
大城莊薛史及莊宗列傳周德威傳云五月七日擒

廷珪十二日次
大城莊今從之

六月張厚殺韓建莊宗實錄九月建
遇害今從薛史

七月楊師厚殺潘晏據魏博梁功臣列傳楊師厚傳
云太祖初棄天下郡府

乘間為亂甚衆魏之衙內都指揮使潘晏與大將臧
延範趙訓將謀反變有密告者師厚布兵擒捕斬之

七月除魏博節度使薛史師厚傳略同
今從莊宗列傳朱友珪傳及莊宗實錄

八月龍驤軍潰莊宗列傳友珪傳云重霸據懷州為
亂壯健者團結於鞏村將為朱溫雪

肥明宗實錄杜晏球傳云龍驤軍作亂欲入京城已
至河陽今按梁祖實錄戊子鄭州奏稱懷州屯駐龍

驤軍潰散十一日夜至州南十五里鞏村安下
及五鼓分隊逃逸安得據懷州及至河陽事也

十月晉王遇康懷貞於解縣莊宗同光四年實錄莊
宗列傳薛史唐餘錄朱

友謙傳皆云與汴軍遇於平陽大
破之今從莊宗天祐九年實錄

三年正月甲子友珪改元鳳歷莊宗列傳云七日實錄云庚戌友珪祀圓

丘改元今從薛史

二月均王激怒龍驤軍莊宗列傳朱友真傳及薛史歐陽史末帝紀云左右龍驤

都戍汴友真偽作友珪詔追還洛下莊宗實錄云友珪疑而召之按梁太祖實錄云丙戌東京言龍驤軍準詔追赴西京軍情不肯進發實友珪徵之非友真偽作詔但激怒言坑之耳

三月帝更名鎰父之又名瑱薛史云貞明中更名瑱諸書皆無年月今因名

鎰終言之

戴思遠為保義節度使薛史思遠傳云貞明中為刑州留後屬張萬進殺劉繼威

命思遠鎮之按萬進殺繼威在前今從本紀

高行珪使弟行周為質於晉軍莊宗實錄行周太祖實錄云燕城危蹙甲士亡散劉守光召元行欽行欽部下

諸將以守光必叛赴召無益乃請行欽為燕帥稱留

後行欽無如之何乃謂諸將曰我為帥亦須歸幽州

襄然之行欽以行珪在武州慮為後患乃令人於懷

戎掠得其子繫之自隨至武州行欽謂行珪曰將士

立我為留後共汝子父同行先定軍府然後降大原

若不從必殺汝子行珪告大王委爾親兵遂圖叛逆

吾死不能從也其子泣告行珪行珪謂曰元公謀逆

何以徇從與爾訣矣行珪城守月餘城中食盡士有

飢色行珪乃召集居人謂之曰非不為父老惜家屬

不幸軍士乏食可斬予首出降以死共守乃夜繼其

弟行周為質於晉軍乞兵救援周德威命李嗣本李

嗣源安金全救武州北至行欽解圍矣嗣源與行珪

追躡至廣邊軍行欽帥騎拒戰行珪呼謂後誰之過

公俱事劉家我為劉家守城爾則僭稱留後誰之過

也今日之事何勞士襄與君抗衡以決勝負行欽

戰騎射絕襄報曰可行周馬足微蹶將踣嗣源躍馬

救之擣擊行欽八戰控弦七發矢引射嗣源中驛貫

戰不解是夜行欽窮蹙固廣邊軍晉兵圍之嗣源遣

人告之曰彼此行戰將不假言論事勢可量亟來相見

必保功名翌日行欽面縛出降李嗣源酌酒飲之撫其

背曰吾子壯士也養為假子臨敵擒生必有所獲名

聞軍中莊宗實錄薛史紀及元行欽傳明宗實錄皆云行欽聞行珪降晉帥兵攻之惟周太祖實錄高行周傳云行欽稱留後行珪城守不從然恐行周卒時去燕云已久行周名位尊顯門生故吏虛美其兄弟故與諸說特異今從稟書

王從珂為李嗣源子張昭於國初修唐廢帝實錄云廢帝諱從珂明宗皇帝之元子

也母曰宣憲皇后魏氏鎮州平山人中未明宗徇地山東留戍平山得魏后帝以光啓元年正月二十

三日生於外舍屬趙人負盟用兵不息音問阻絕帝甫十歲方得歸宗時明宗為裨將性闊達不能治生

曹后亦疏於畫畧生計所資惟宣憲而已曹后未有息劉幹家宣室帝與部曲王建立皇甫立代北往來

供饋曹后憐之不異所生薛史末帝諱從珂本姓王氏鎮州人也母宣憲皇后魏氏以光啓元年生帝於

平山景福中明宗為武皇騎將略地至平山遇魏氏虜之帝時年十餘歲明宗養為己子劉恕取廢帝錄

以為明宗即位後不立從珂而欲立從榮死傳位從厚故人皆謂從珂為養子按張昭仕明宗為史

官異代修廢帝錄無所諱避而不言養子事似可信然李克用光啓元年以前未嘗徇地山東又從珂若

果是明宗子明宗必捨之而立從榮從珂亦當不服今從薛史

七月蜀太子元膺殺唐道襲九國志建將七夕出游先一日元膺召諸軍使

及諸王宴飲邸第中且議七夕從行之禮而集王宗翰等不至又曰詰朝元膺入白建曰潘峭毛文錫離

間兄弟將圖不軌又曰及間唐襲徵兵乃遣伶官安悉香諭軍使全殊率天武甲士以自衛又曰明日徐

瑤常謙與懷勝軍使嚴璘等協謀以所部兵挾元膺以逐唐襲元膺介馬率卒過其兄宗賀之門召與同

進宗賀曰兵起無名不敢奉命又曰建急召宗賀宗賀及諸軍使令以兵計寇乃逐唐襲至城西斬之盡

殺屯營兵又自大安門登陴以入攻瑤謙等歐陽史曰元膺與伶人安悉香軍將喻全殊率天武兵自衛

召大將徐瑤常謙率兵出拒襲與襲戰神武門襲中流矢墜馬死十國紀年下未元膺令軍使喻全殊帥

天武兵自衛戊申徐瑤常謙及左大昌軍使王承燧等各帥所部兵奉元膺攻唐道襲道襲自松第被甲

乘馬過王宗賀門邀之宗賀曰兵起無名且不奉詔公宜緩行元膺遣天武將唐據帥親兵逐道襲至城

西斬之据九國志云徐瑤等挾元膺召瑤等率兵出在宮中欲逐出之也歐陽史云元膺召瑤等率兵出

拒襲攻東宮而元膺拒之紀年云瑤等奉元膺攻道襲襲自私第被甲乘馬以道襲出在外第元膺就攻之也按道襲止以挾君自重既勸蜀主發兵自衛豈肯更出在外第必止於禁中也蓋瑤等引兵攻宮焚以求道襲道襲以屯營兵出拒戰兵敗走至城西為唐據所殺耳九國志又云元膺介馬率卒過其兄宗賀第門召與同進是元膺邀宗賀也紀年云道襲自私第被甲乘馬過宗賀門邀之是道襲邀宗賀也按道襲私第安得有兵觀宗賀所答之辭似語太子非語道襲也若遇道襲宜勸之速入宿衛豈得云公宜緩行也潘炕言太子非有它志陛下宜面諭大臣以安社稷蓋當時蜀主聞亂既信道襲之言又不忍討太子無決然號令故炕言太子無它志當召大臣討徐瑤等為亂者耳九國志云宗俛等出討寇乃逐唐襲至城西斬之是官軍斬襲也若然何故明日遽加襲贈謚乎此必誤也

資治通鑑考異卷第二十八

元八三二一九

通鑑二十八

十二

陶仕承

